

# EQUITIS POLONI EXAMEN LITERARUM,

Quas

*Excellentissimus*

GALLIÆ LEGATUS,  
ABBAS POLIGNIACUS,


Ad

*Reverendissimum*

EPISCOPUM CUJAVIENSEM  
dedit.

Anno 1697,





**R**egnum, res inter DEOS hominesque est pulcherrima: & cupido regnandi, mortalibus insita, cunctis affectibus flagrantior semper fuit. Orbata non ita pridem Rege ac Rectore Inclyta Respub. nostra quid mirum, si ubivis gentium multos habeat inveniatisq; procos? Sed pleriq; horum tacitis haecenus seu secretis votis, modeste aut prudenter Viduatam ambiunt; Aperto magis an temerario ausu Orator Gallicus inter primos ob amissum Regem luctus, madentem adhuc lachrymis Rempub. ad nova sollicitat Vota, & spes ac desideria Candidati sui Principis Borbonii de Conventu, Pararii sceptri Polonici, Senatorio ac Equestri Ordini, exponit. Quæris causam? alia esse non potest, quàm ut perstrictæ promissorum magnitudine mentes alios Candidatos nec quærant nec admittant, Commendationes Exterorum in ipsis Comitibus Electoralibus pondus habent & suò æstimantur pretiò; ante Electionem laudunt liberæ Electionis iura, apud eos, qui eligendò Optimum quærunt, & quorum ut integrum ac incorruptum iudiciũ, ita amor in Rempublicam summus. Sed cum de factò Reipub. agatur, & ab Electione futurâ salus atque incolumitas ejusdem pendeat, liberum sit Equiti Polono, cui libera de Repub. Vox competit, rationum, quas pro Candidatò suò adfert Orator, momenta expendere, sine irâ & studio, cum & Virtutes Borbonii & Oratoris dignitatẽ revereat, solò in Rempub. amore innatò ac visceribus inharrente, pro quâ vitam ac sanguinem profundere mihi dulcissimum foret.

1.

*Primum igitur Oratoris pro Borboniò eligendò argumentum est, quod omnibus Virtutibus, Rege dignis præditus, quod sit magnanimus, bellicosus, sapiens, liberalis, affabilis &c. nec præstantiorem invenire Regem Respub. possit.*

2.

*Alterum: Quod Rex à Gente Gallicâ, cæteris omnibus præferendus Candidatis, à quò nullum libertati periculum, cum non habeat à Vicinis Principibus auxilium, nec asylum inveniat in aulis sibi sanguine junctis, nimis remotò Gallia Rege, ut juvare possit.*

3. Ter-

*Tertium: Quod maximum imminet Reipub. periculum, ab Austriaco sen Austriaco addito: Cum Caesar Vicinus semper nocere possit.*

*Quartum: Quod ingentia & largissima Reipub. commoda offerat Borbonius, qualia sunt: summa plurium millionum in numerata pecunia ad satisfactionem exercitus federato debitam: Expugnatio Cameracensis propriis sumptibus ante coronationem: Restauratio moneta, rei frumentaria, commercii Gedanensis: Nulla profutura Regina Reformatio: Aliaq; bene multa, quae suo tempore manifestabuntur.*

Agedum, excutiamus singula suo ordine.

*Borbonius de Conty omnibus Virtutibus Rege dignis praeclitus, est magnanimus, bellicosus, sapiens, liberalis, affabilis, nec praestantiorem invenire Regem Respub. potest:*

Nullus hic invidiae aut malevolentiae locus esto, Virtus ubivis aestimanda, nec suis fraudandus meritis Borbonius, quibus inclaruit: At comparatio odiosa, Virtutem uni ita adstruere, ut aliis negetur, malignitate non caret. Non ita sterilis est virtutum Orbis Christianus, ut illae uni additae sint Gentis, Unius hereditas ac possessio familiarum. Si Civiles spectentur virtutes, magnanimitas, prudentia, liberalitas, affabilitas, &c. complures habebit pares Borbonius; si militares, multos etiam superiores, qui magnorum exercituum non minus, quam multarum palmarum Duces, nomen suum versus orientem ac occidentem solem glarum victoris reddiderunt, & in primis de seculo ac aeterno Christiani nominis pariter ac Poloni Hoste saepius jam triumphaverunt. Quid quod Romanae fata Reipub. nos admonent, nimias virtutes libertati extimescendas esse, nec Caesarem solum ambitioni ac Imperio litasse.

*Rex e Gente Gallica ceteris omnibus preferendus Candidatus, a quo nullum libertati periculum, cum non habeat a Vicinis Principibus auxilium, nec asylum invenias in aula sibi sanguine junctis, nimis remotis Gallica Rege, ut juvare possit.*

Verborum hic effundit flumen Orator, veritatis ne gutta quidem admixta: Quid si, hac admittente, invertamus argumentum: à Nemine ullò majus imminere libertati Poloniae periculum, imò

certius Reipub. exitium, quàm à Rege è Gallicà Gente sumptò. Ne ità Nos stolidos esse, & truncos & stipites arbitretur. ut ignoremus, non tantò disjungi spatìò cœlum à terris, quantò differunt Gentis Gallicæ instituta, mores, regnandi forma, à suetò Polonis Regimine. Gloriatur Gallorum Gens, Uni se Regi suo ità subiectam esse, ut Vita, fortunæ, status, dignitas, & quicquid earum mortales habent, ab ipsius nudò ac legibus solutò pendeant arbitriò. Voluntas ac jussus Regis suprema ibi lex est, & si quis Regiæ Voci: *Tel est notre plaisir*, obstrepere vellet, etiamsi legum ac omnis juris auxiliò stipatus esset, protinus Majestatis damneretur. Hòc institutò nascuntur liberi, hòc imbuuntur grandiores, id adeò fixum ac immutò in hæret animis, ut ad exteros etiam, si patriò excedant solò, illud transferant, ridentes aut stupentes aliorum libertatem: Nec enim, id proprium Genti suæ vindicant, vellent ad hanc normam omnes reliquas regi Gentes, id quod scriptores Gallici luculenter testantur, qui ne juratum quidem Regem ad ulla Pacta conventa teneri asserunt, nisi quæ suis ac Regni rebus expedire censeat. Quì, quæso, hæc congruent libertati nostræ, quæ vità Nobis carior esse debet? quì legibus ac Institutis patriis? Cultu ac veneratione in Reges nostros nulli cedimus Genti; sed quod à Majoribus, Divinis Viris, accepimus institutum: Regem non arbitriò suo, sed ex præscriptò legum regnare debere; hoc sacrum æternum ac Palladii instar servandum Nobis erit. Est Regem inter & Rempub. mutuus nexus, legum vinculò adstrictus, quò salus Utriusque ac incolumitas stat & librat. Non potest Rex jura, quæ vocant, Majestatis exercere, nisi consentiente Repub. non bellum aut pacem decernere, non fœdera pungere, non leges ferre, Comitiorum hoc opus est, in quibus libera dominatur Vox. At quì hæc Gallicis convenient moribus? quì conciliabitur tribunitium illud Unius Equitis Poloni: INTERCEDO, cum despoticò istò Gallorum: TEL EST NOTRE PLAISIR? Sane experientià constat, Gallos, si quando Comitii nostris intertuerunt, stupore defixos habuisse, quasi in aliùm terrarum orbem delati essent. At inquires, non hoc à Borboniò timendum, qui non regnare sed parere adfectus in Galliis, facile legum ac juramenti vinculis coercèbitur. Non regnavit, fateor, sed adstitit regnanti, ex Regià stirpe ortus, patriis imbutus institutis, alto ac regios gerens spiritus, an æquò animò legibus se subijci? an juramenti; puerorum ut putant astragalis ad crepundiis; vinciri se feret? Natura mortalium avida Impetii est, nec jura aut pacta curat regnandi dira libido. Quod si pudor, pietas

ac

ac fides ipsum continerent Principem, quid Comites aut Hospites Ejus Gallos, Patriis infectos moribus, facturos putas? an illi se ac cupiditates suas legibus circumscribi ac coerceri patientur? quin perpetuis stimulis ad vindicandam regiam dignitatem, præcipitem Regem agant? Salutis publicæ interesse, omnem potestatem ad unum conferri, nec discordantis Reipub. aliud remedium, quàm si ab uno regatur. Hos metus non esse vanos, superioris & nostri ævi exempla luculenter demonstrant. Avorum nostrorum memoriâ Henrico Valesio percommoda accidit mors Caroli fratris; Constat enim ex scriptoribus Gallicis, illum statim ab ingressu Regni de mutandò ejusdem statu & libertate evertendâ consilia agitasse. Cui vix annum regnanti tantum cepit Gentis nostræ fastidium ac odium, ut nec comiteatu petito, nec vale dictò, celere ac turpi fugâ ab eadem, tanquam ab Hoste se proriperet. Hæc nos terrere debent vestigia. Alenconius, frater ejusdem, incredibili studiò ac amore à Belgis petitus ac exceptus, vix provinciam ingressus fuit, cum servitutem liberæ Genti moliretur, in ipsò conatû intra munimenta Antvverpiensia oppressus. Patrum nostrorum memoriâ Guisus iisdem consiliis ac artibus Regnò excidit Neapolitanò. Sed quid remotiora à temporibus nostris curamus, occurrunt quæ ipsi vidimus ac experti sumus. Regem Angliæ Jacobum non modernus Rex Gvilielmus, non Gens Anglica de thronò deturbârunt, sed fœdera ac consilia Gallica, quæ illum ad summum ac legibus solutum arbitrium extorquendum à Gente, in quâ, ut apud Nos, Regum potestas legibus circumscripta est, acerrimè instigârunt. Hæc sunt, hæc sola sunt, quæ Jacobum ex Rege Magnò & Ipsi Galliæ formidandò, Exulem & Nutritium Regis Galliarum fecerunt. O felicem Rempubicam nostram, quam aliena pericula cautam reddunt. Sed ut ad Polonos meos redeam, Talis Nobis querendus Rex, qui non dominationem & servos, sed Rectorem & Cives cogitet, quem subditi non timeant, sed pro quò. Equis Nostrum est, qui ignoret, fontem ac originem omnium in Reipub. calamitatum unis deberi consiliis Gallicis. Ex quò tempore de Casimiri orbi tate constitit, ad hanc usque ætatem nostram, bone DEUS! quas machinationes, quos ambitus, quæ suspicionum ac discordiarum semina sparsa, quas confœderationes exercituum, quæ rupta comitia non vidimus? filius in Patrem, uxor in maritum, frater in fratrem concitatus; nihil integrum, nihil sanctum, non pudor, non cura juris; sanctitas, pietas, fides, omnia fusque deque habita, modò Rex Gallicus rerum in Poloniâ potiretur, aut Gens Polona

ad nutum & consilia Gallorum regeretur. Et ne hæc ad invidiam efficta putentur, testor conscientiam vestram Patriæ Lumina ac Columna, Senatores! testor vestram, fratres Charissimi optimi ex equestri Ordine! Non omnia in lucem proferenda, obtegantur, quæ gesta sunt, pectorum secretò, ne vulnera recrudescant, sed post tot enata malorum semina, hoc unum velim proveniat bonum, ut isti sapiamus, & scopulos detectos vitemus. Nec dissimulare hæc potuit Orator Gallicus, quin culpam omnem rejecerit in muliebria consilia ac artes. Ludovica Regina ex Italâ ipsi Gente, non Gallicâ, orta; Maria Vidua Regina Austriacis consiliis, post Matrimonium cum Neoburgicâ, abrepta: Sed an Italæ censenda, quæ in Galliis nata ac educata, non Italum Principem, sed Condæum mariti successorem voluit, ob Condæum tot turbas dedit, in Condæum tot Poloniæ Regum hereditatem transtulit, ac Rempub. suâ spoliavit thesaurò; Et unde hæc muliebria consilia, nisi ex Luparenfi aut Versaliensi arce? in cuius gratiam, nisi in Regis Galliarum? Sed commiseratione in primis digna Regina Vidua, hæc ob Gallica consilia, quibus abripi se passa est, odio apud Gentem nostram acerrimò flagrat. Nunc à Gallicò Oratore, cuius ductu & impulsu omnia gessit, accusatur, & publicæ Gentis nostræ vindictæ exponitur. Quid hoc est rei, an ita citò excidit memoriâ conjunctio illa arctissima, quam nos Omnes Reginam inter & Oratorem conspeximus? Ille intimæ admissionis, arcum arborum arbiter, consiliorum svasor, rerum omnium Moderator hanc Reginæ adflictæ rependit gratiam, ut non tantum quam paulò ante adulatoriè sectatus erat, deserat, opis indigam, consilii inopem, sed & prodatur ac oppugnet. Ubi verecunda beneficiorum recordatio? Ubi iura amicitiae ac gratitudinis? hausit & absorpsit ea Gallicæ Prudentiæ Idolum Utilitas sive Interesse: Si violandum est jus, regnandi causâ violandum: Ut Borbonius regnet, Regina, quæ filiis & Genero non potest non favere, spe ac votò deicienda, odio ac vindictæ exponenda. Hic exitus manet Gallicas amicitias!

Sed præsens rerum ac temporum status aliam suggerit curam haud levis momenti. Europæ Gentes penè omnes fœdere ac bellò junctæ sunt adversus Gallos & Turcas, nam & inter hos solos belli ac fœderum societas est. Ipsa Rempub. nostra, paratio summò Pontifice, sacro fœderi adversus Christiani Nominis Hostem, Galliæ fœderatum, nomen dedit, idque non unò aut simplici iurejurandò firmavit. Quid si Regem sumimus Gallum, anne versâ fide ac fortunâ ex fœderatis ac Amicis Christianis, Hostes; ex Hostibus Turcis ac Tartaris, fœderati

tos ac Amicos faciemus? Quæ turpis hæc erit metamorphosis? quam indigna nomine Polonò res; quæ ipsi Russorum Magno Duci bilem movit, qui minitatus dicitur bellum Polonis, si Gallum eligant. Nec nova sunt, aut fidem excedunt, quæ adfero. Vivente adhuc ac Regnante Rege Joh. quot artibus, quot largitionibus tentatum, ut sacro fœderi renunciaretur, ut fides jurata violaretur, ut nomini Polono æterna inureretur ignominia: Cum hoc effici non posset detestantibus tantum scelus, quotquot decoris ac fidei amantes erant, hoc tamen Gallicis artibus ac consiliis effectum est, ut per complures annos nihil memoratu dignum contra sævum Hostem actum sit, non exercitus instructi, non comæatus, non res tormentaria, non reliqua ad bellum necessaria curata; Imò ne injuriæ quidem Barbarorum ac prædæ à Nobis actæ ad vindictam nos excitare potuerunt. Nimirum intererat Gallix, armis Polonorum non distrahi Vires Ottomannicas, nec impediri, quò minus ingentes exercitus in Hungariam adversus Imperatorem duci possent. Ipsi testes ac consciï sumus, Emissarios Gallicos in mediâ hæsisse Poloniâ, qui cum Tœckeliò, Turcis, Tartaris, quibuscum Nobis atrocissimum est bellum, commercia haberent, consilia sociarent, pecunias ad faciendum bellum exsolverent. Hæc acta vivente ac regnante Joanne Rege, qui tamen, si sibi relinquebatur, decoris Poloni haud erat negligens: Quid futurum putatis, si Borbonius ad Regni gubernacula admoveatur, an fœderatos Gallix Turcas ac Tartaros Hostes nostros reputabimus, an cum iisdem bellum geremus? an Podoliam an Ukrainam, opima ac antiqua Reipub. patrimonia recuperabimus? Imò quorum generosa pectora hætenus ante muralia audierunt Orbis Christiani, ii in posterum beneficiis aut obnoxii Turcis ac Tartaris reputabuntur. Sed missis Barbaris convertamus mentis ac oculorum aciem ad Vicinos ac fœderatos, Imperatorem, & Electorem Brandenburgicum, hi Hostes Gallix declarati, etiam nostri erunt Hostes, nec vicinitatis, nec fœderum jura, nec salus ac securitas Reip. prohibere poterunt, quò minus amicò ac fœderatò sanguine manus nostras imbuamus.

At, inquit Orator: pervenimus ad limen pacis universalis in Europâ Christianâ concludendæ, quam fortasse DEUS dabit ante Electionem. Quid tum? pace inter Christianos Principes conciliatâ, an eò ipsò conciliabitur Ratio, quam vocant, statûs singulorum, contraria, æterna, immutabilis, an mutæ suspiciones, an metus cessabunt? Ne fallamur, statim atque Borbonium eligemus, Gallicum interesse, Gallica consilia scopus ac norma erunt nostrorum, & cum odia æterna sint

sint Austriacos inter ac Gallos, Nos qui liberi hæctenus & immunes ab iisdem degimus, eadem in Nos transferemus, qui cum Vicinis Austriacis, Svecis, Brandenburgicis læta ac fructuosa exercemus commercia, eadem mutuis suspicionibus ac metu turbabimus, & tandem si placet Gallia, arma Vicinis inferemus, aut ab iis illata propulsabimus. Merus & terror infirma vincula securitatis, & malè cum Repub. nostra agetur, si his munimentis insistere debeat. Sed cautionem fortè idoneam adfert Orator: ut nimirum per pacta conventa novi Regis præcaveatur, & ipse juramentò obstringatur ad observationem omnium tractatum, fœderum & Pactorum, antea initorum inter Prædecessores Reges & Rempub. & alios quoslibet Principes. Miseros nos! quibus imponitur necessitas, pro cautione hæc aliam exigere cautionem. Quid Pacta, quid fœdera, quid sacramenti religio, ubi tot exemplis ac documentis Orbi terrarum innotuit, ea ulterius non stringere, quàm ad Aram usque Divæ Utilitatis, huic cum litare non liceat nisi honestò everfò, protinus pacta & fœdera utcunque jurata violantur:

- - - - *Sanctitas, pietas, fides,*

*Privata bona sunt; quæ juvat, Reges eant.*

Sensit hœc Orator, hinc ipse objectioni huic occurrit, & cautionem cautioni addit: Timendum hoc ab Austriacò Vicino, qui nocere possit, non à Gallicò Principe, cui in viciniâ non copiae aut adfinitates, remotò etiam nimis Galliarum Rege, ut nocere possit. Hoc Achylæum ipsius argumentum; Sed infelicem Rempub. si salus ac incolumitas ejus eidem innisi debeat. Anne idem terrarum spatium per tot annorum, imò seculorum decursum Nostri Gallia sejunxit? & tamen Gallicæ artes, Gallicæ Consilia, Gallicæ largitiones ac corruptiones in Regum Polonorum Aulis, in ipsis liberæ Gentis Comitibus regnarunt: Quid quod non semel Confœderationes exercituum, copias ære Gallicò auctoratas ac merentes in ipsis Reipub. visceribus conspexerimus. Non infusè quidam, nullum esse munimentum inexpugnabile, ad quod asinus aurò onustus penetrare possit. An exercitus, an milites, an rei bellicæ apparatus ei deesse possunt, qui aurum numerat? Si Regis Gallia interfit, turbari & bellò imperi Vicinos Poloniae, an aurum deerit? an aggressor Rex Polonus è Gente Gallicâ? Quas non hæc artes turbas in Comitibus nostris excitabunt, quot non videbimus strictos bonorum & pro libertate rejiciendòque jugò certantium acinaces in hostem potius dirigendos, quam in improbos patriæ proditores, quos Gallia suis sibi artibus aut ære comparaverit? Tacito comitia rupta, proceres in partes & factiones scissos, commoda Rei pub.



Reipub. neglecta, & Nos ludibrio omnium gentium expositos, qui Nos ad nutum externæ potentæ duci ac ludi cum dispendiõ famæ nostræ ridebunt aut dolebunt, Quid de Tartarorum incursionibus dicam, quos toties experta est Rēspub. Gallicõ ære conductas; imò turpes hæ cum Barbaris pactiões adeò in consuetudinem abierunt, ut gloriam ac meritum inde aucupentur. Tulit nuper fama, vera an falsa, Gallicum Oratorem multa florenorum millia Tartaris obtulisse, ne incursionem facerent; eòque meritum Borbonio quærere voluisse. Indecora pactio, si vera est. Pectora & arma Polona non patriæ tantum tuendæ causâ hosti toties obversa, sed etiam ipsi Cæsarium sedi à summò discrimine liberandæ innumeræ hostium multitudini fortiter objecta, imò Turcis Tartarisque, quoties apertò Marte congredi datum, funesta, hæc inquam pectora, hæc arma nostra bellis & cædi hostium adiveta, ad propulsandos sædissimos latrones, & nullâ aliâ re, nisi fugâ suâ ab internecione tutos sufficiunt, sed ut expediri possint, concordia opus est, hanc ne tentet aut turbet Orator, sed Nos arbitriò nostrò bellum gerere sinat, beneficii id locò habebimus. Pergamus ad reliqua.

### III.

*Maximum imminet Reipub. periculum ab Austriacò seu Austriacis additò; Cum Cæsar Vicinus semper nocere possit.*

Explosa hæc sunt: semper fuere certamina Austriacos inter Gallosque in Electionibus Regum nostrorum. Olim cum æquis adhuc viribus de Imperiò Orbis inter utrosque certaretur, non abs re hæc obijciebantur; At rerum status Patrum & nostrâ memoriâ valdè immutatus; Fortuna Gentium non amplius in æquilibriò posita, Gallorum potentia, & opes, tantum nunc præponderant, ut formidanda olim Austriaca Gens, vix se sustinere ac Imperii tanti reliquias tueri possit. Si justus igitur à potentiore metus, à quò, nisi à Gallò, qui cum omnium Gentium libertati infidetur, an nostram salvam ac intactam relinquet? Dum hæc scribo, gravissimus mentem turbat metus ex fatò imminente Hispaniarum Regi, hæcenus improli. Heu! quot luctus, quot motus, quot turbas opima hæc dabit hereditas? Quid si eò tempore Gallum haberemus Regem, an illum spectatorem futurum credis? Nequicquam, gravius in Austriacos telum non potest torquere Rex Galliar, nisi per manus Polonorum, & sic ipsi fabri erimus ac artifices jugi istius, quod cervicibus nostris post debellatos Austriacos imponetur. Sed vanum aut nullum esse hunc Oratoris ab Austriacis metum, vel inde liquet, quod ex Austriacâ Gente, ad paucos redactâ, nemo sit, qui

Regnum ambiat: Ab iis verò, quos Austriacis addictos vocat, non valdè metuendum sit; quamvis non abnuam è re ac securitate Reipub. esse, nec Gallis, nec Austriacis obnoxium eligere.

#### IV.

*Ingentia & largissima Reipub. Commoda offert Borbonius, qualia sunt: summa plurimum millionum in numeratâ pecuniâ, ad satisfactionem exercitus fœderato debitam: Expugnatio Caminici propriis sumptibus ante coronationem: Restauratio moneta, rei frumentaria, commercii Gedanensis: Nulla profutura Reginâ Reformatio; Aliaque benè multa, quæ suo tempore manifestabuntur.*

Laudo Candidatorum liberalitatem, odî largitiones, per has exhaustum ærarium, per scelera erit supplendum. Fateor larga ac magnifica esse promissa, sed quò majora, cò magis metuenda libertati nostræ. Unde tot milliones Borbonio, cujus annui redditus vix ducenta florenorum millia conficiunt. An prædia ac possessiones, quas in Galliâ habet, divendet? Sed unde liberis prospicietur, Patrimonio illarum in Galliis consumptò. Dicis, Regnum Poloniæ ipsis quærî, in quod succedent. At quò tunc locò erit electio, caput ac fundamentum libertatis nostræ? Sed Rex Galliæ, cujus inexhaustum est ærarium, tot numerabit milliones; quid tùm? Si mutuo dabit, solventur aliquando cum usuris ex ærariò Polonicò, si gratis, non faciet hoc gratis; Libertas nostra est, quæ hòc sollicitatur aurò, idque vel ex eò clarè liquet, quod tanta auri summa non offeratur Reipub. sed exercitui fœderato, ut ad nutum Candidati agat. Justum est ut exercitui, fœderato promerita exsolvantur stipendia, & exsolventur ipsi, ne obulò quidem, qui militibus debetur, reliquò; sed necessum est, ut id fiat absque periculò & dispendiò libertatis. Qualis qualis eligatur Rex, non erit ad eò inops, ut ad summam debitam conficiendam non plurimum conferre possit ac velit: Reliquum supplebit Respub. ut libertas, maximum bonum, ipsi salva sit. Nam per DEUM, quid hoc est, ut aurò putent emi posse Rempub., ut tentetur pecuniâ, quod virtute, quod liberis suffragiis effici debet? Itane venalia omnia in Gente Polonâ, ut comitia sanctissima turpiter vendantur, ut de Nobis dici possit:

*Ad sonitum strepitumque auri suffragia vertunt.*

¶ Cui Romani ajunt: Corpus liberi hominis inæstimabile esse; An ergò Respub. æstimabitur, & pretiò aliquot millionum divendetur, tot liberi homines, Nobiles Poloni, ipsa libertas, omni aurò, imò vitâ ac sanguine carior, hæc subjicitur? hanc si non poterit occu-  
pare

pare emptor Rex, cum tanti emerit, pecuniâ majore vendet. Obsecro, fratres, consulamus libertati nostræ; status, fortuna, conservatio Reipub. posita est in comitiis Electoralibus, quæ libera, sancta, incorrupta esse debent, hæc si oppugnentur largitione, anne hoc est, Reipub. manus afferre, & deturbare Ordines suis sedibus?

Venio ad Camenecium, hujus expugnatio offertur ante coronationem. Dixi suprâ, Gallicis artibus ac consiliis effectum esse, ut bellum cum Turcis ultimis his annis non majore gestum sit successu, quod si brachia ac arma Polonorum non fuissent impedita ac retenta, jamdiu Cameneci redditione Respub. gaudere ac frui posset. Sed esto, imponamus hanc conditionem futuro Regi, ut non prius coronetur, quàm Camenecium recuperaverit, certus sum, quod non Borbonius tantum, sed quisvis alius eligendus ad illam adimplendam sese lubentissimè obstringere velit, & novi, qui nullò negotiò, imò certò successu, non tantum Camenecum expugnaturus, sed simul Podoliam ac Ukrainam, maxima Reipub. Patrimonia recuperaturus sit, de quibus tamen Oratori Gallico altum silentium, scilicet ne nimia Turcis fœderatis auferantur.

Quæ adduntur de Restauratione monetæ, commercii Gedanensis, rei frumentariæ, de nullâ Reformatione pro futura Reginâ, non moror: Hæ conditiones cuivis Regi eligendo præscribi, & ab eodem, fortè citius ac rectius quàm à Gallicò Candidatò, adimpleri poterunt.

Sed quò tendit vaga ista promissio? *Et aliæ bene multa, quæ sub tempore manifestabuntur*: scilicet ut omnes largitione corrumpantur, spe lactentur, & incendantur cupiditatibus.

Habetis, fratres Carissimi, quæ ad literas Excellentissimi Legati Gallici monenda amor ac fides in patriam suggererunt, & quæ sine dubiò Reverendissimus Præsul, ad quem exaratae sunt, monuisset, nisi nota ejus modestia ac senatoria dignitas obstitissent; Omnia tamen judicio ac Censuræ optimæ patriæ submitto; Gnarus versari Nos in Reipub. in quâ sanctum libertatis nomen neque vanum neque falsum hæctenus est; Libertatis verò publicæ parens ac procreatrix concordia semper fuit, hanc summò commendo studio, pro eâ, quâ in patriam feror, charitate; In unâ Concordiâ posita Reipub. salus ac fortuna. Dubitavi, anne de reliquis Candidatis sensus animi mei exprimerem, sed prohibuit modestia, nec de Borbonio scripsissem, nisi literæ Oratoris nimis confidenter ac ambitiosè scriptæ, & cura libertatis ad id me impulissent. Votum ac Vocem meam in futuris comitiis

miciis Electoralibus reget amor in Patriam, quod si nimis anxie quæ-  
 res, quem hodiè dignum sceptrò Polonicò & prò Repub. optimum  
 censeam, non potero negare, aut Piasium illum esse, qui ulnis suis Pa-  
 triam gestet, aut si æmulatio ac invidia externum quærant, non de-  
 erit Fulmen aliquod belli, Terror Turcarum ac Tartarorum, qui  
 victricem ipsius dexteram experti sunt in Campis Hungariæ, Prin-  
 ceptus maturus annis, & pacis non minùs quàm belli artibus clarus;  
 in quò unò omnes concurrunt dotes ac Virtutes, quæ Magnum ac O-  
 ptimum Regem formant, nullus à nimia potentiâ metus; amor unus  
 in Rempub. nullà alià distractus spe, nullis prætensionibus exteris,  
 qui denique nec Gallis nec Austriacis obnoxius. Sed hæc Campo E-  
 lectorali reserventur, in quò quid Senatus frequens, quid No-  
 bilitas subdiò congregata, de fati Reipub. Regem opti-  
 mum eligendò, statuent, mihi sacrum ac  
 sequendum erit.

F I N I S.

